

Ákvæði til bráðabirgða.**I.**

Prátt fyrir ákvæði 9. gr. skal Stofnlánadeild landbúnaðarins halda tekjum eins og orðið hefðu að óbreyttum lögum til 30. nóvember 1990. Skal Búnaðarmálasjóður því greiða Stofnlánadeild þær tekjur sem ella hefðu runnið þangað mánuðina september, október og nóvember 1990. Jafnframt skerðast tekjur annarra aðila skv. 9. gr. þannig að mánuðina september, október og nóvember 1990 verða greiðslur til búnaðarsambanda og Stéttarsambands eins og þær hefðu orðið að óbreyttum reglum, greiðslur til Bjargráðasjóðs verða samkvæmt þessari reglugerð, en greiðslur til annarra aðila falla niður.

II.

Prátt fyrir heimildarákvæði 3. mgr. 2. gr. og 8. gr. skal gjaldahlutfall búnaðarmálasjóðsgjalds og bjargráðasjóðsgjalds á tímabilinu 1. september–31. desember 1990 vera skv. 1. mgr. 2. gr. og 1. málslíð 8. gr.

Landbúnaðarráðherra auglýsir fyrir 20. desember 1990 gjaldahlutföll einstakra búgreina fyrir tímabilið 1. janúar til 31. ágúst 1991.

Landbúnaðarráðuneytið, 1. október 1990.

Steingrímur J. Sigfússon.

Jón Höskuldsson.

AUGLÝSING

**um breyting á reglum nr. 77/1986 um ársreikning
viðskiptabanka og sparisjóða.**

Í stað núverandi 12. gr. komi ný grein sem orðist svo:

Framsetning lífeyrisskuldbindinga skal vera með þeim hætti sem greinir í eftirfarandi tölulíðum 1 til 5:

1. Allir bankar og sparisjóðir sem tekið hafa á sig lífeyrisskuldbindingar skulu láta fara fram tryggingafræðilegan útreikning á stöðu áfallinna en ógreiddra lífeyrisskuldbindinga sinna og færa í ársreikning, eins og nánar er ákveðið í þessari grein. Miða skal við áunnin lífeyrisréttindi vegna liðins starfstíma og skal hvorki tekið tillit til raunverulegra, né áætlaðra, breytinga á launum einstakra starfsmanna eftir lok reikningsárs. Við útreikning samkvæmt framansögðu skal miða við 3% ávöxtunarkröfu, þ.e. ávöxtun umfram breytingu kaupgjalds. Heimilt er að miða við lægri ávöxtunarkröfu enda sé getið um það í skýringum með ársreikningi. Yfirlit yfir helstu forsendur skal fylgja útreikningi á áföllnum lífeyrisskuldbindingum á eyðublaði sem bankaefirlitið lætur í té.
2. Tryggingafræðilegur útreikningur, sbr. 1. tölulíður þessarar greinar, skal að jafnaði fara fram árlega en þó eigi sjaldnar en á þriggja ára fresti. Fari ekki fram árlegur útreikningur skal ákvarða stöðu áfallinna skuldbindinga með tryggingafræðilegri áætlun.
3. Lífeyrisgreiðslur, sem banki eða sparisjóður innir af hendi vegna starfsmanna sem látið hafa af starfi, skulu færast til lækkunar á áföllnum lífeyrisskuldbindingum í efnahagsreikningi.

4. Sá mismunur sem fram kemur á reiknaðri stöðu áfallinna lífeyrisskuldbindinga í lok reikningsárs og byrjun reikningsárs skal, að teknu tilliti til 3. töluliðar þessarar greinar, færður í efnahagsreikning og rekstrarreikning eins og hér segir:
 - a) Reikna skal verðbætur og vexti á áfallnar lífeyrisskuldbindingar eins og þær voru í byrjun reikningsárs og breytingu þeirra á árinu og færist hin reiknaða fjárhæð til gjalda í rekstrarreikningi með vöxtum og verðbótum. Miða skal við breytingu á lánskjaravísitölu frá byrjun reikningsárs til byrjunar næsta reikningsárs og meðalvexti af verðtrygðum útlánnum eins og þeir eru í viðkomandi banka eða sparisjóði á hverjum tíma.
 - b) Áhrif breyttra reiknireglna og forsendna sem skipta máli skal sérgreina og færa meðal óreglulegra liða í rekstrarreikningi.
 - c) Önnur breyting á áföllnum lífeyrisskuldbindingum, hækkun eða lækkun, skal færast í rekstrarreikning með launakostnaði.
5. Til viðbótar útreikningi á lífeyrisskuldbindingum vegna áunninna réttinda, sbr. 1. tölulið þessarar greinar, skulu bankar og sparisjóðir eigi sjaldnar en á 3ja ára fresti láta reikna út lífeyrisskuldbindingar miðað við bæði áunninn rétt og framtíðarrétt starfsmanna.

2. gr.

Í reglurnar bætist ný grein, er verði „Ákvæði til bráðabirgða“ er orðist svo:

Þeir bankar og sparisjóðir sem ekki hafa fært lífeyrisskuldbindingar sínar að fullu í efnahagsreikning í árslok 1989 skulu láta fara fram tryggingafræðilegan útreikning á skuldbindingunum miðað við þann tíma sbr. 12. gr. Heimilt er að byggja á tryggingafræðilegum útreikningi sem miðaðist við árslok 1986 eða síðar með framreikningi til ársloka 1989 sbr. 2. tölulið 12. gr.

Mismunur á reiknaðri fjárhæð í árslok 1989 samkvæmt framansögðu og bókfærðum lífeyrisskuldbindingum samkvæmt efnahagsreikningi í árslok 1989 skal færa í ársreikning þannig:

Gjaldfæra meðal óreglulegra liða í rekstrarreikningi á ekki lengri tíma en átta árum í fyrsta sinn á árinu 1990 þannig að reiknaðar skuldbindingar verði að fullu færðar í efnahagsreikning í síðasta lagi í árslok 1997. Fjárhæðin skal framreiknast skv. hækkun lánskjaravísitölu frá 1. jan. 1990 og reikna skal sömu ársvexti og getið er um í 4. tölulið 12. gr. þessara reglna. Gera skal grein fyrir heildarskuldbindingum í skýringum með ársreikningi hvers árs og skulu þær reiknaðar eins og nánar er tilgreint í 12. gr. þessara reglna.

3. gr.

Reglur þessar eru settar með stoð í 37. gr. laga nr. 86/1985 um viðskiptabanka og 41. gr. laga nr. 87/1985 um sparisjóði og öðlast þegar gildi.

Viðskiptaráðuneytið, 9. október 1990.

F. h. r.

Björn Friðfinnsson.

Tryggvi Axelsson.